



# ЧАННАЦУКУ

«ЗВЕЗДА»

10 август 2018ш

ножмар

№ 32 (6614)

Багъа 2 къруш

Газета буклаккиссар  
1951-ку шинал  
ноябрьдания шинмай

Учредитель: Ккуллал районналул администрация  
Кулинская районная администрация

## Лябукку буну зуншиврул



Августрал 6-нний районналул гьарга-гьарзасса активрал совещаниялий ххал бивгъунни шяраваллил хозий ство лябуккуну зузаврил ялувсса масьалартту.

Район цимирагу шиннар дил хъхьичI ара ккаллину дур шяраваллил хозийствалуву ризкьи ва ятту дулан баврин чул бившусса районнуну. Махъсса шиннардий техника дакъа хъуру дугъаву захI-матну дуну, хъхьичI ххуттаву най дур районналий ятту, гьатгара ябувну, миннуя хайр ласаву. Районналий ми ябуван къулайсса шартI ну бур сакин бан шяраваллил хозийствалул дуллалимур ишла бан бю-хъанмур ( СПК), жуцава бюхъаншиврул ризкьилуха зун, ми гьарза буллан, дикI дузал дуллаи ми даххлан бюхъаншиврул цила сийлий. ЖучIара дуссар щала Дагъусттаннайх цIа ларгсса Ккуллал районналул цIани-лусса нис.

-Ми нисирал цIа жуцара уттиния тиннайгу гьаз дан бюхъантIиссар,- увкуна муниципальный районналул бакIчи Ш.Р.Рамазановлул, -На гьалгъа бав мунил хIакъираву МахIач-къала шагърулул мэрнащал рынокрай ми нис дахлансса клантту личIи баврил хIакъираву.

ХIадурда уквa ттуцIа ва бусса кланттугу булун ми нис дахлан. КутIасса чIумул мутгалий аьркинни СПК-рдал буржру ххал бигъин, миккусса члентурал дотацияртту ласлан бюхъан-шиврул. СПК-рттал буржру лакъинсса Инвестортал на лякъав,- увкуна ялагу муниципалитетрал каялувчи

Шамиль Рамазановлул совещание тIитIлай.

Налогру датIавриясса бувчIин бавуртгтая бувсуинни районналул экономикалул отделланул начальник Морис Рамазановлул.

АцIния кIира шяраваллил поселеняртгтаяту, урчIуннил планну биттур дунни 100%-рал ва ххину, шанна шяраваллил поселенялул планну биттур къадунни налогру перечис-лить даву чIал шаврину ва мунияту ми цIла чIумал четирдайн къадирну личIунни

Школартту цIусса дуккаврил шинайн хIадурну бушиврия ххал бигъавуртту дунни комиссиялул.

Цаппара масьалартту пожардая буруччаврил идаралушчал ххал бивгъукун актирдай къулбасру дан тIиссар, куну бувсуинни районналул каялувчинахь МКУ-рал начальник, кIулшиву дулаврил управле-ниялул Альбина ХIамма-кIуевал.

Районналийн бувкIсса телеканал «Культура» групалун гьарца чулуха ка бакъаву дурссар. Ларсуссар миннан ласун ччиссаннуяр чIярусса суратру.

Хъамал хъинну рязину ливчIунни жуяту ва жула районналия куну, бувсуинни магьирлугърал отделланул начальник Марина Ибрагьи-мовал.

## Ирглийсса хъунабакъаву Чянива гьаз бансса масьалартту

Августзурул 7-нний районналул муниципал сакиншиннарал бакIчи Рамазанов Шамиль хъуна авкъунни Хъюйннал жямат ращал. Укунсса хъунаба къавуртту хъуссар 1-мур ЦувкIуллал, ЧIяйннал, Щуйшиял, СумбатIуллал жяматирттащалгу. Вай хъунабакъавурттал мурад ну хъанай бур цала къул лугърал давуртту жямат рал тIалашиннардийн бувну дуллан ччай ушив ринсса хIадуршиннану.

Ванащал Хъюйннал жяматращал хъуна бакъин бувкIун бия районналул администрациялул жаваб-лувсса пишакарталгу. Рамазанов Шамильлул районналул бакIчинал давуртту хъинну шяраваллавусса иш-тагъар оькки хъусса чIумуйн тIайла дарцIуну дур. Шяраваллал инсантал зий бивкIсса СПК-ду дусса-дакъасса кIулну бакъар. Цаймий давурттугу жула районналий хъинну чанну дакъа дакъар.

ХIукуматрал чулухагу цIана налогру тIалав дул



лалавуртту хъхьичI нани дурну, шяраваллал социал масьалартту махъуншун бувну бур.

Вана районналул бакIчи жяматращал хъуна авкъусса культуралул къатри лекълай, шаллусса чIиртту бакъа дия.Гъай-гъай шяраваллил жяматрал гьаз буллаи бия районналул бакIчинал хъхьичI чIявусса суаллу. Амма вай суаллу цакънива циван къабуллаи бивкIссарив къакIулли. Хъуна бакъавулий ихтилатру бувна шяраваллил

иштагъардания буслий ЧIяйннал ва Хъюйннал цацIусса администрация-лул бакIчи МахIаммадов Исял, шяраваллил куль-туралул къатлул хъунмур АхIмадова Суджанатул ва цайминналгу. Районналул бакIчинал бувчIинну бувсуна гьаз буллаисса суаллу щил цукун щаллу буван багълагьиссарив. Дуллауна жавабру жямат-рал суаллахъхунгу.

**XI. XIусайнов**





# Къадар зевххусса Ххяллухи

Къадар. Му, инсннал бакъагу бикІайссар шяраваллагу. Амма му гай шяраваллаца гужирай зевххусса чІумал, мунир обккисса зат цамур бушиву къакІулли. Мукун хъуссар 1944-ку шинал Лаккуя дизан дурсса шяраваллал къадардугу. Явара мий дунияллий къадир-кІмий кунна дур дакІнигума лаган дуллай. 1962-ку шинал ита бавкъусса Саэд Хайдакъовлул словарданувусса лакрал шяраваллал, 2005-ку шинал ита бавкъусса Эся Абдуллаевлул словарданувусса сияхІирттаву дакъар бунияла диркІсса Ххяллухиял шяраваллил цІа.

Уттигъанну на ккалі уссия махъсса шиннардий бувксса «Литературная учеба», - тІисса журнал. Ганиву бия Сталиннул гъаттавугума телефон дирхъуну гива га хІакъинугу буюрду буллай уссар тІий. Бакъаривла пикрибуванкунмасса иш?Щинив (ми ца буссарив ттун къакІулли) жува буру миллат хІисаврай бухлаган буван ччай. Мукун бакъахъурча циванни жула паспортирттая миллатрал цІа дирхъусса хха букъан бувсса? Мукун бакъахъурча циванни ниттил маз хушрай лахъхъин буллан аьркинссар школалул оьрчІан тІисса? Мукун бакъахъурча циванни сияхІравун дагъан къадурсса Ххяллухиял шяравалу (дикІуча мащи)? Цаймигу мисаллу буцин хъунссия ттуца. Амма ванину кутІа банна.

На уттигъанну лавгссия ва Ххяллухиял шяравалу диркІсса кІанттайн кІикку ци тагъар дурив ххал дуван. Вачату арх дакъа, Ккул-Хъусрал чулинмай нанисса ххуллий буссар кияйнмай кІура лаглай 1-мур ЦІувкІуллал чулинмайсса ххуллу. Га ххуллу кІура лагласисса кІанттай, Хъуннехай буну буссар цІусса уттизаманнул муххалригеллу дирхъуссаламу. Ванияр кІинмайнугу буссар гъайкалданун ккаллисса бухмур ламу. Буссар шиккува шамилчинмур ламугу. Га ламу буссар Ххяллухиял шяравалу дирхъусса даралул чулуха нанисса щинал ратІниих буну. Вана ва ламугу лавхъун на авчуссияв хІакъинуйнин яхъусса ва даралуву дирхъусса шяраваллал чулинмай нанисса машиналул ххуллийх. ПІайлар цимигу шин хъуну дия ва ххуллийх машина къалавун. Циванучирча ххуллу гъаралуннил зия буну къакъардал хъуну бия. Амма ххуллул сандинмур ххуйну чІалай дия. Ттуршра метралул манзилданул лахъшиву лахъайху ттул хъхъичІ дарцІуна караматсса дуниял. ЧІалай дия СумбатІуллал, Ваччиял, ЧІайннал бунияламий шяраваллу ва Къичурлухиял, Бярнихаллил, Чакъаллал, Тукъатуллал шяраваллу диркІсса кІанттурду. Лахъзунттайсса марххалагу бавссуну бакІру щоллисса янналуву дия. Амма чувчІав рухІ дусса затмур чІалай дакъа. На яттугъаттараяра гъалгъа тІисса. Ва

лахъазан дитайхту ххуллу бакъялавай даралул ухчІиннийх нанисса ратІничан биянин най бия. РатІув иявайсса чІумал архний чІалан дивуна Оьллаурттиял шяраваллил лекълурдугу. Ххуллу цуппагу Оьллаурттиял шяравалличІан биянини най бия ратІнил неххамачІуа цахъис лавайну. Ца кІанайн бияйхту ва кІура лаглай бия Тукъатуллал шяравалу диркІсса кІанттал чулинмайгу. Шиккува ца укунсса затгу кІипІ буван ччива. Сунувсса, гъаннайсса уртту хъинну кусану дия. Иширах бургарча яттугъаттарал хъут- шулу чан шаврин буну кусану душиву бувчІлай бия. Амма гуттурдал марцІну ласласисса гъавагу, тунту урттуя нанисса къанкгу ххарину къамул дуллай дия. Оьллаурттиял шяравалличІан иййхту кІания кІихунмайсса ххуллу ча наниссарив кІул буван къахъанан бивуна. Шикка арх дакъа кия чулий чІалан дивуна царай чартгал хъархъаллу, ххяллу. Вана вай ххяллал дянивсса бакІурдай диркІшиву Ххяллухиял шяравалу чІалан бивуна. Ивунав нагу ца бакІуй ливчІсса мадара лахъисса гъанурдал лиссулчІан. На бияла бакъа: «Гъай лакрал жямат зу чув буру ванахха на зул миналийн увкІун. Къамул увара хъамилчичу!», - куну гъуягъарай куссия. Пашмансса сурат. Лагма уруглан ивра ххал шайрив кІялабарзвагу. Агъ вил къаттай цавагу бакъа. Архний кІиих чІалан бивуна суннил минхълий ца кІялабарз. Шяравалу диркІсса кІанттал дяних най для жор-жор тІий дяркъусса щарашал щингу. Гъайгъай на ттухърасса баклашкагу дурцІуссия гай щинал. Да дияхха царай тІааьнсса шин! Къатрал чІирттая ливчІсса «яру». Явара яруннир хъисгу къахъуния вай чІиртту. Ваца ттухъва цирив учин ччиний кунма чІалай бия урттул кІучІ къабувсса чІирттал «яру». Циксса ттунма захІматну бивкІхъурчагу лавгссияв на архний чІалачІисса кІялазуручІан. Гиккун иййхту кІиих арх дакъа чІалан дивуна Хъун ЦІувкІуллал шяравалугу. Амма шикку ттунма бакІрайн багъсса кІялабарзру Хъун ЦІувкІуллал тарихрацІун бавхІусса бия. (бургияра сураграйсса чичру-



лук). Чув буччайнавав Ххяллухиял цала инсантал? Юхссагу бизан буллалиний кІялабарзру бивкІун цащалва лавсунавав? Цибувссар вайннал къатрал чартту? ЧІавуну бикІай Аьрасатнал хъхъичІавасса луттирдай жуйнма «варвартал», - тІий. Вайннахха жува бунияласса «варвартал», - хъуну. Юх шиккун Аьрасатнава, Амерканава ягу цамур кІанттая цучІав къавкІшиву жунма кІулссар. СияхІрайн буну 1926-ку шинал Ххяллухиял шяраву яхъанай ивкІун ур 58 инсан. Бюхъайр вай 58 къатта бивкІун бикІангу. Вайннавату цавагу бакъар яхъуну. Укун гъан-учІан захІматсса кІанттаяту цукун лавсунава вай чартту? Ваца верталетирттай лавсний кунмасса иш бур хъанай. Урвав дунияллий цавагу инсан ва шяравасса ура учинсса? АьІаву дия лачІлай. Цимирагу ттуршра щиналлахъишвирий диркІсса шяравалу дакъа-къатІа хъуну дия.

шиккунсса ххуллу на бивтессия шанна ссятрал мутталий. Махъунмаймур цахъис анаварну хъуна.

**Сурапирттай:** Ххяллухиял шяравалу диркІсса кІантту ва лагмасса Табиаьт.

**ХІ. ХІусайнов.**

Яла ттула дакІниву хІасул хъусса ца ххаривширйятугу бусан ччива. На рязину ияв ттушава хъуну тІий ва жула лакрал тарихраву аьщ лирчІсса шяравалу диркІсса кІанайн нава лагаврия. Гъич гиккун уттинингу цучІав лагшиву къакІулли, вания махъгу гъаншиву къакІулли. Яртал жунма жула тарих дакІния лаган битлан къабучІину бурхха. Чарий, къунттайвагу чичин аьркинни: «Шикку диркІссар Ххяллухиял шяравалу», - тІий. Американал кинорду ласай даралуву бур «Голливуд», - тІий чивчуну. Ттул пикрилий укун чичин аьркинни жунмагу жулла шяраваллу диркІсса кІанттурдай. Ваччату





### Агъалинал къулайшивуртту дуллай

Вай махъсса кIива зуруй, ЧIяйнал шяраву, шяраваллил администрациялул каялувчи МахIаммадов Исаял каялувшиннаралу дунни диялсса агъалинал къулайшиву дуллалисса давуртту.

Лениннул памятник дусса площадкалия лавай зунххисса ххуллийх хаснува кIинттул инсаннаца гъаз хъун къашайсса иш бикIайва, микIирал бавкъун, ччех дикIрулийх, микку хъун бунни шагърулий кунма абурсса чурттурду. Мукумма цIуну бувсса спортзалланул лагмасса чIиртту лекълай бия, цIу буккан бунни, чIявусса захIматгу бивхъун.

Миккун бичин багъунни къубаксса, ххинугу камазру чарттал.

Мукумма дихълай бур канализация, шяраваллил кIирчирттавацца шин, архну экъи нансса. Ми гъарца давуртту дуллай зий бия Исаев Иса бакIчисса уст-тартурал бригада. Шиккусса давуртту ци буцилий най дурив, ялун цимилагу ивнни райадминистрациялул каялувчи Шамил Рустамович. ЧIяйнал жямат, гила-тила бувкIми барчаллагърай буру вай давуртту дан дакIнин багъминнай, ва Исаев Исал бригадалийн.

**А.Абдуллаев**

### Барчаллагърал чагъар

Уттигъанну «Чанна-цIуку» кказитрал редакция-лийн бувкIунни Лавациял районналиясса Мугухъти шяравасса, 72 шинавусса Аьлиев Ниматуллагълул цIания-сса чагъар. Аьлиев Нима-туллагъ хъунмасса тавакью буллай ур цила цIаниясса барчаллагърал чагъар «ЧаннацIуку» кказитрай бищавриву. Жугу мунал мурад щаллу буллай бищлай буру.

«На Аьлиев Ниматул-лагъ хъин хъанай утту ивхъун Ккуллал районналийсса районналул больницалий бував мукъилчинсса хъин

шаврил курс. Ниматуллагъ-лул цува хъин шаврил курс ляличIину Ваччавсса азар-ханалий баву буслай ур, шикку даимангу цинма ххуйну, ва къулайну бушиву, цIуллу-сагъшиврун.

ХъхьичI-хъхьичI къа-шайшалахсса ургъил баву ва азарханалий, хъунама хIакин Сулайман Сиражут-тиновичлул тIайла хъуну, санитаркайн бияннин хIур-мат лавайсса бур. Гъарца буллалисса дарув баву ду-вайр цила чIумал ва ла-райсса даражалий. Шикку зузисса санитаркахъал, медсестрахъал цила даву ххаллилну ва цила чIумал дувай, капельница дишаву, уколлу баву усттарну ва хавар къахъунну дувайр, яла-яла миннал къашайща-лащалсса зана къулу шаву, жухасса хIурмат хъинну хъинсса бикIай ва ялув бав-

цIун буссар хъин анмуних.

Къашайшалтрансса дукиялул тагъар хъинну ххуй-сса дикIайр, жура-журасса ва нахIусса. мукумма хъунма-сса барчаллагъ амбулатория-лул зузалтран, аьркинсса аппаратирттай зузисса, цивпагу хIалимсса, хъинсса, цинявннан барчаллагъ.

Хаснува барчаллагъ учин ччай ура ттула чулуха хъунама хIакиннайн Су-лайман Сиражуттиновичлуин, мунал уртактуран Аьлин, Камиллун, Гъаруннун, Ма-хIаммадлун!. Дуллуннав зухъхъун Аллагънал уттиния тиннайгу цIуллушиву, ва тIайлабацIу зула бусравсса давриву, кулптараву талихI ва тирхханну.

Хъунмасса тавакью буллай ура ва ттул чагъар «ЧаннацIуку» кказитрай бищаву.

### Пахрулий буру вирттаврацIун!

Уттигъанну ЧIяйнал шяраву ялапар хъанакъисса Рамазанов АсланнучIан ва ГулжагърачIан вайннал арс Рамазан къуллугъ буллалис-сса аьрали частърал коман-дованиялия бувкIунни ххарисса чагъар.

«ХIурмат бусса Аслан Абуталибович ва Гулжагъра Рамазановнай! Ростов шагъ-рулийсса Аьрали командо-ваниялул комиссариат дакI-нихтунусса барчаллагъ учин ччай буру зухъ жучIа къул-лугъ буллалисса зул арс Ра-мазанов Рамазан Асланович, рядовой, укун ххаллилну тарбия аврихлу.

Ростовуллал область-рай жучIа къуллугъ буллалис-саксса хIаллай зул арснал лавайсса даражалий ва хъхьичIунну биттур буллай ивкIунни цила Аьрали бур-жру.

Ростов шагърулул об-ластьрайсса сборный пунк-трал материально-техничес-кая база цIу буккан буллалини, зул арснал чIалачIи бунни цува за кIулсса, захIмат ххирасса ва жаваблубливу лавайсса аьраличу ушиву.

Жу муданмагу мукI-руру, зул арснайн Рамазан Аслановичлуин чул бищун бюхъаншиву ва мунал дай дирхъусса даву даимангу ххаллилну ахирданин диян даншиву.

Рядовой Рамазанов Ра-мазан Асланович даимангу хIурматрай уссар коллектив-раву, ва командиртурал ва начальниктурал дянив мунал ялун личин бай хIурмат ва къуццу, цувагу цала цIагу

л а х ъ н у  
я д у р н у.  
Муданагу зул  
арс уссар  
эбратранну,  
цIуну ялун  
б у в к I с с а  
аьралитуран.  
Рамазанов  
Рамазаннун  
багъа бищун  
къашайсса  
кумаг хъама  
къабитантIи-  
ссар жул  
Аьрали час-  
търан.

Зу даи-мангу пах-рулий бикIан аьркинссару зула арсна-цIун. Мунал кумаграцIух жуца бюв-хъунни Ростовуллал область-райсса призыврал даву ла-райсса даражалий дуван.

Уттиния тинмайгу жу мукIруру Рамазанов Рама-зан Асланович ца хъхьичIун-сса Ватан дуроччу хъуншиврий, ва жула Ватан-налун муна хъуммасса хайр булуншиврий.

Ростовуллал областьрал Аьрали комиссар А.Трушин.»

ЖувагучIа учинну зунт-талчунан цIуллушиву ва тIалабацIу цила-цила Аьрали буржгу лавайсса даражалий лавхъун дакI ххарину нитти-буттачIан зана хъун.Мукумма Рамазан Аслановичлул цува къуллугъ буллалисса кIанай ларсун дур грамотагу, гиревой спортал чемпионатрай!.

**А.Абдуллаев.**



### Конкурс баян буллалиссар

«Ккуллал район» МО-лул агъалий давурттат щаллу баврил центр баян буллалиссар конкурс юридический лицордал, цанмалусса ишбажаранчитурал дянив (паччахIлугърал муниципальный идарардал личIаннин) цивгу сияхIрайн лавсусса районналул даву щалу даврил ялув. 2018-ку шинал шолланул 16-нния шолланул 31-нин къамул буллалиссар конкурерайнсса документру. Конкурсраву лавгусса юридический лицордан ва цинмалусса ишбажаранчитуран дуллалиссар субсидиярду ца зузи кIану хIадур буван бувккусса харжирахлу, мукумма оборудования ласаврихлу кIиннияр чан бакъасса зузи кIантту хIадур буван 200 азарда къурушрайн дияннинсса.

Ва конкурсравух гьуртту хъанакъиминнал чIумуй биян бан аьркинссар аьркинсса документру районналул даву дакъа ливчIиминналсса буллалисса центрданийн.

### ЗАКАЗ БУВАРА!

**Баян**

Хъинну къювкъусса багълий буллай буру шкаф-куперду, прихожирду ччимур журалул. Миннул дуцин дуваву, щаллу бувну махъ зу ялапар хъанакъисса



шяравун лавсун бучIаву ва ба-цIан баву украс-сар.

ЦIуххаву ду-ван тIалав буван бюхъайссар теле-фонналул ва но-мер д а н и й х : 89285017706

**Редакциялул адрес**  
368390, Республика Дагестан  
Ккуллал район, ш.Ваччи  
**Издательнал адрес:**  
Республика Дагестан  
Ккуллал район, ш.Ваччи

Газета регистрировать  
бувссар РФ-лул МТПР-лул  
Южное межрегиональное  
управлениялул.  
Регистрациялул номер  
ПИ № 10-4202

**Хъунама редактор**  
**А.И. Къянчиев**

Газета бавтIуссар «ЧаннацIуку»  
газетрал редакциялул компьютердай,  
бившуссар ГАУРД «Издательский дом  
«ДАГЕСТАН». Типографиялул адрес:  
367018. МахIачкъала, пр.  
Насрутдинова 61,

Буккайссар ножмардий цал.  
12+ Индекс: 51317  
тираж 657 экз. Газета итаба-  
кьин къулбас дайсса чIун 17. 00,  
къулбас дурсса чIун 16. 00  
gazetazvezda0@mail.ru